

Allannguutissatut

siunnersuut

**Uunga siunnersuummut:**

**Inatsisartut inatsisaat nr. xx xx. xxx 2021-imeersoq Nuummi, Qasigiannguani Aasiannilu erngup nukinganik nukissiorfissat taakkunungalu atortussat aningaasalersorneqarnissaannut ingerlanneqarnissaannullu sinaakkusersuutit**

Pingajussaanneerneqartussanngorlugu Naalakkersuisunit saqqummiunneqartoq.

§ 5-imut

1. § 5-imi imm. 3-p kingorna ivertinneqassaaq:

” Imm. 4. Naalakkersuisut erniat, Nunap Karsiata ernianut aningaasartuutaanut matussutissat, aamma Nunap Karsiata taarsigassarsiarititaanut imm. 2-mi taaneqartunut aningaasartuutaanut allanut matussutissanut akiliutissat pillugit maleruagassiorsinnaapput.”

Inatsisissatut siunnersuummut nassuiaatit

**Nassuiaatit nalinginnaasut**

Naalakkersuisut aappassaanneerinninnermi allannguutissatut siunnersuummik, inatsisissatut siunnersuutip kalaallisoortaani kukkunernik ataasiakkaanik amigaatinillu iluarsiinissamik siunertaqarfiusumik saqqummiussipput. Allannguutissatut siunnersuutip oqaasertalerneqarnerata akuerineqarnerata kingunerisaanik inatsisissatut siunnersuummi aalajangersagaq ataaseq (§5, imm. 2) inatsisissatut siunnersuummiit peerneqarpoq, tamannali siunertarineqasimangikkaluarpoq.

Tamanna tunngavigalugu aalajangersakkap iverteqqinneqarnissaa siunertaralugu Naalakkersuisut pingajussaanneerinissamut allannguutissatut siunnersuummik saqqummiussaqrput.

**Inatsisissatut siunnersuummi aalajangersakkanut ataasiakkaanut nassuiaatit**

*Nr. 1-imut*

Allannguutissatut siunnersuummut nassuiaatit nalinginnaasut innersuussutigineqarput.